



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Jumaat, 2 Disember 2022

1

- Telur dipasaraya rupanya stok lama
- 2,000 papan telur licin tidak sampai satu jam dijual

DISEDIAKAN OLEH :

**SEKSYEN KOMUNIKASI KORPORAT,
JABATAN PERKHIDMATAN VETERINAR MALAYSIA**

Bahan mentah kurang, pembekal terpaksa 'cuti' hantar bekalan

Telur di pasaran rupanya stok lama

Oleh NOOR HASLIZA NUSI

GEORGE TOWN – Bekalan telur ayam yang ketika ini didakwa mula banyak di pasaran sebenarnya stok lama yang 'diperam' peniaga berikut tidak mahu berkenaan berterpus terus pada segera tiba-tiba.

Namun langkah sebenarnya turut menekan pengguna apabila telur yang dibeli hanya mampu bertahan antara dua hingga tiga hari sahaja.

Seorang pembekal yang muah dikenali sebagai Ahmad Shah, 39, berkata, pihaknya sehingga ke hari ini masih berdepan masalah kekurangan stok telur ayam bagi kesemuanya gred A, B, C dan D sejak lebih dua bulan lalu.

Dakwanya, ia disebabkan kekurangan yang serius bekalan keperluan itu diperingkat ladang telah memaksa sebahagian pihan pembekal menghentikan operasi penghantaran buat seketika baru-baru ini.

"Setahu saya, telur ayam tidak disorok dan memang berlaku



SEORANG pengguna yang mendapatkan bekalan telur untuk kegunaan harian. – AMIR KHALID

kekurangan sejak lebih dua bulan lalu sehingga ada pihak pembekal menghentikan pengedaran kepada peniaga termasuk pengusaha kek peniaga di pasar.

"Dakwaan telur ayam kembali banyak di pasaran ketika ini bukannya disebabkan pembentukan kerajaan perpaduan mahu pun pelantikan Perdana

Menteri baharu.

"Telur ayam yang banyak dijual di pasaran ketika ini dikatakan stok lama yang hampir rosak dan hanya mampu bertahan untuk digunakan antara dua hingga tiga hari sahaja.

"Jika ada stok baharu, itu memang nasiblah," katanya kepada Kosmo di sini.

Jelasnya, isu kekurangan bekalan telur ayam sememangnya turut memberi kesan langsung kepada pembekal barang utama itu apabila buat pertama kalinya dia terpaksa bercuti daripada menghantar stok kepada pelanggan Sabtu lalu.

"Memang telur ayam sukar diperoleh di sini ketika ini. Di kedai-kedai runcit pun susah melainkan telur omega selain jualan juga terhad kepada 10 biji sehingga satu papan sahaja untuk satu keluarga," tambahnya.

Semalam, Kosmo melaporkan bekalan telur ayam dijangka kekal berkurangan dan sukar diperoleh dalam pasaran tempatan sehingga tahun depan.

2,000 papan telur licin tidak sampai satu jam dijual

KUALA LUMPUR – Masalah bekalan telur ayam yang meruncing sejak dua bulan lalu bukan sahaja menekan pemborong maupun peniaga tetapi pengguna apabila mereka terpaksa berebut bagi mendapatkan bekalan bahan mentah berkenaan.

Hal itu berikutan tindakan peniaga yang mengehadkan pembelian telur kepada pelanggan selain ada antara mereka yang menutup premis gara-gara tiada bekalan.

Seorang peniaga di pasar Chow Kit, Anggi Afriatama, berkata, bekalan telur ayam yang diperoleh daripada pembekal sekitar 2,000 papan sehari dan kesemuanya habis dalam masa kurang satu jam.

"Ketika ini mahu simpan stok pun susah sekarang, dapat saja (stok) terus habis. Jumlah stok yang dihantar tidak menentu malah ada hari, langsung tiada bekalan," katanya.

Peniaga nasi lemak, Nora Abu Bakar Sidek, berkata, masalah telur yang berlarutan menyebabkan keuntungannya menjadi kecil berikutan terpaksa membeli bahan mentah berkenaan dengan harga yang mahal.



NOTIS had pembelian telur kepada lima papan bagi setiap pelanggan di premis sekitar Kuala Lumpur.

"Apabila telur naik harga, sudah tentu kos nasi lemak saya tinggi. Susahlah kalau lama-lama macam ini," ujarnya.

Katanya, sebelum ini dia membeli sepapan telur ayam pada harga RM10.50 bagi gred E, namun sekarang sudah RM12 seapan.

Sementara itu, Maznah Mat Zaini, 62, terpaksa mengharungi perjalanan sejauh lima kilometer

dari Setapak bagi membeli telur untuk kegunaan keluarganya.

"Telur dikawasan saya memang susah jadi terpaksa ke Chow Kit, memang tidak dinafikan juga telur ketika ini memang mahal berbanding sebelum ini."

"Harap pihak bertanggungjawab pantau harga ini kerana ia menjadi semakin tidak terkawal, rakyat tengah susah," katanya.